

5. Ibinyabiziga biva mu mahanga by'agateganyo

A).Imodoka

Imbere

Inyuguti **IT** zikurikiwe n'imibare ine kuva kuri **0001** kugeza kuri **9999** hamwe n'inyuguti **R** isobanura Repuburika y'u Rwanda.

Inyuma

Inyuguti za **IT** zose zikaba hejuru y'imibare ine kuva kuri **0001** kugeza kuri **9999** ikurikiwe n'inyuguti ya **R** isobanura Repuburika y'u Rwanda.

B). Amapikipiki n'ibindi byuma by'imipira bifite moteri.

Inyuguti **IT** zigeretse ku mibare ine kuva kuri **0001** kugeza **9999** n'inyuguti ya **R** isobanura Repuburika y'u Rwanda.

6. Imodoka z'imiryango ishamikiye k'uw'Abibumbye

A).Imodoka

Imbere

Inyuguti za **UN** zibanjirijwe n'umubare werekana uko bagiye bagera mu Rwanda zikurikiwe n'imibare **2** kuva kuri **01** kugeza kuri **99** yerekana urwego n'inyuguti ya **R** isobanura Repuburika y'u Rwanda.

Inyuma

Imibare ibiri kuva kuri **01** kugeza kuri **99** igaragaza urwego ikurikiwe n'inyuguti ya **R** byose biri hejuru y'inyuguti za **UN** zibanjirijwe n'umubare ugaragaza uko bagiye baza mu Rwanda.

B).Amapikipiki n'ibindi byuma by'imipira myinshi bifite moteri

Inyuguti za **UN** zibanjirijwe n'umubare werekana uko bagiye bagera mu Rwanda byose bikajya hejuru y'imibare ibiri kuva kuri **01** kugeza kuri **99** ikurikiwe n'inyuguti ya **R** isobanura Repuburika y'u Rwanda.

7. Ibyapa by'ibigenzwa mu muhanda mu mazina bwite y'abantu cyangwa amasosiyeti

Izina bwite ry'umuntu cyangwa isosiyeti ribanjirijwe n'inyuguti ya **R** isobanura Repuburika y'u Rwanda.

II. Amabara.

❖ Amabara y'ibyo byapa agenewe ibi bikurikira:

- ✓ **Ibyapa byose bifite ibara ry'umweru ku ruhande rw'imbere n'umuhondo ku ruhande rw'inyuma.**
- ✓ **Ibyapa by'amapikipiki, n'ibindi byuma by'imipira myinshi bifite ibara ry'umuhondo.**
- ✓ **Inyuguti n'imibare bizagira ibara ry'umukara ku binyabiziga by'abakorera ku giti cyabo.**
- ✓ **Iryo bara ni umukara mu binyabiziga bivanywe mu mahanga n'abacuruzi babyo.**
- ✓ **Iryo bara ni icyatsi ku modoka z'abahagarariye ibihugu byabo mu Rwanda, imiryango mpuzamahanga cyangwa y'uturere ikorera mu Rwanda bafite ubudahangarwa.**
- ✓ **Iryo bara ni umukara ku binyabiziga byinjijwe mu Rwanda by'agateganyo.**
- ✓ **Ibara ry'ubururu rikoresheye ku binyabiziga by'imishinga ikorera mu rwanda.**